

證治準繩

肆

證治總綱第四冊目錄

諸痛門

頭痛

偏頭風頭雷頭風
頭風骨重頭挂

真頭痛

大頭痛

肩稜骨痛

面痛

頸項強痛

心痛

胃脘痛
心膈痛

胸痛

脇痛

少腹脇痛

脇痛

腰痛

腎脊腰軟
腰脇痛

脊痛脊強

臂痛

肩拘急

臂痛

足痛

不可以出

行痺

即走注疼痛

着痺

即麻木

證治準繩第四冊

金壇王肯堂輯

頭痛

偏頭風 頭重

頭搖

雷頭風

大頭天行

眉稜骨痛

頭風屑

頭痛

醫書多分頭痛頭風為二門然一病也但有新久去留之分耳淺而近者名頭痛其痛卒然而至易於解散速安也深而遠者為頭風其痛作止不常愈後遇觸復發也皆當驗其邪所從來而治之世俗治頭痛不從風則從寒安知其有不一之邪乎試考內經論頭痛所因以明之如風從外入振寒汗出頭痛新沐中風為首風當先風一日頭痛不可以出內大寒內至骨髓髓以腦為主腦逆故頭痛齒亦痛少陽司天之政初之氣風勝乃搖候乃大濕其病氣佛於上頭痛二之氣火反鬱自埃四起其病熱鬱於上頭痛少陽司天火淫所勝民病頭痛發熱惡寒如瘧歲金不及炎火乃行復則陰厥且格陽反上行頭腦戶痛延及腦頂發熱太陽之勝熱反上行頭項項巔腦戶

中痛目如脫太陽之復心痛痞滿頭痛太陰司天濕淫所勝腰脊頭
項痛時眩太陰在泉濕淫所勝病衝頭痛目似脫項似拔太陰之復
頭項痛重而掉癰尤甚陽明之復欬噦煩心病在膈中頭痛傷寒一
日巨陽受之頭項痛腰脊強靈樞謂風痺股脛爍足如履冰時如入
湯煩心頭痛時眩悲恐短氣不出三年死凡此皆六氣相侵與清陽
之真氣相薄而痛者也至於頭痛甚則腦盡痛手足寒至節死頭痛
顛病下虛上實注以腎虛不能引膀胱之氣故爾心煩頭痛耳鳴九
竅不利腸胃之所生心熱病者卒心痛煩悶頭痛面赤刺手少陰太
陽肺熱病者頭痛不甚汗出而寒刺手太陰陽明腎熱病者項痛員
員澹澹然刺足少陰太陽靈樞謂厥頭痛面若腫起而煩心取足陽
明太陰厥頭痛頭脉痛心悲善泣取血與厥陰厥頭痛員員頭重而
痛取手足少陰厥頭痛意善忘按之不得取頭面左右動脉後取足
太陰厥頭痛項先痛腰脊爲應先取天柱後取足太陽厥頭痛頭痛

甚耳前後脉湧有熱瀉出其血後取足少陽頭痛不可取於脰者有
所擊墮惡血在於肉若肉傷痛未已可側取不可遠取也頭痛不可
刺者大痺爲惡日作者可令少愈不可已頭半寒痛先取手少陽陽
明後取足少陽陽明膀胱足太陽所生病頭顙頂腦戶中痛膽足少
陽所生病頭痛凡此皆藏府經脉之氣逆上亂於頭之清道致其不
得運行壅遏經隧而痛者也蓋頭象天三陽六府清陽之氣皆會於
此三陰五藏精華之血亦皆注於此於是天氣所發六淫之邪人氣
所變五賊之逆皆能相害或蔽覆其清明或於塞其經絡因與其氣
相薄鬱而成熱則脉滿滿則痛若邪氣稽留則脉亦滿而氣血亂故
痛甚是痛皆爲實也若寒濕所侵雖真氣虛不與相薄成熱然其邪
客於脉外則血泣脉寒寒則脉縮卷緊急外引小絡而痛得溫則痛
止是痛爲虛也如因風木痛者則抽掣惡風或有汗而痛因暑熱痛
者或有汗或無汗則皆惡熱而痛因濕而痛者則頭重而痛遇天陰

尤甚因飲而痛者亦頭昏重而痛憤憤欲吐因寒而痛者絀急惡寒而痛者與本藏所傷風寒濕熱之氣兼爲之狀而痛更有氣虛而痛者遇勞則痛甚其脉大有血虛而痛者善驚惕其脉芤用是病形分之更兼所見證察之無不得之矣東垣曰金匱真言論云東風生於春病在肝俞在頸項故春氣者病在頭又諸陽會於頭面如足太陽膀胱之脉起於目內眦上額交巔直入絡腦還出別下項病則衝頭痛又足少陽膽之脉起於目銳眦上抵頭角病則頭角額痛夫風從上受之風寒傷上邪從外入客經絡令人振寒頭痛身重惡寒治在風池風府調其陰陽不足則補有餘則瀉汗之則愈此傷寒頭痛也頭痛耳鳴九竅不利者腸胃之所生乃氣虛頭痛也如氣上下頭痛顛疾者下虛上實也過在足少陰巨陽甚則入腎寒濕頭痛也有厥逆頭痛者所犯大寒內至骨髓髓以腦爲主腦逆故令頭痛齒亦痛有心煩頭痛者病在膈中過在手巨陽少陰乃濕熱頭痛也

凡頭痛皆以風藥治之者總其大體而言之也高巔之上惟風可到故味之薄者陰中之陽自地升天者也然亦有三陰三陽之異大陽經頭痛惡風寒脉浮緊川芎獨活之類為主少陽經頭痛脉弦細往來寒熱用柴胡黃芩主之陽明經頭痛自汗發熱不惡寒脉浮緩長實者升麻葛根石膏白芷主之太陰經頭痛必有痰體重或腹痛為痰癖脉沉緩者蒼朮半夏南星主之少陰經頭痛三陰三陽經不流行而足寒氣逆為寒厥其脉沉細麻黃附子細辛湯主之厥陰經頭疼項痛或吐痰沫冷厥其脉浮緩吳茱萸湯主之三陽頭痛藥羌活防風荆芥升麻葛根白芷柴胡川芎芍藥細辛葱白連翹陰證頭痛只用溫中藥如理中薑附之類風濕熱頭痛上壅損目及腦痛偏正頭痛年深不愈並以清空膏主之如苦頭痛每料中加細辛二錢如太陽脉緩有痰名曰痰厥頭痛主羌活防風川芎甘草加半夏一兩半如偏頭痛服之不愈減羌活防風川芎一

半加柴胡一倍如發熱惡熱而渴此陽明頭痛只與白虎湯加白芷

丹溪云東垣清少陽頭痛者在大陽厥陰者勿用蓋謂頭痛也

頭旋眼黑頭痛宜安神散川芎散熱厥頭痛雖嚴寒猶喜風寒

微來暖處或見煙火其痛復作宜清上瀉火湯後用補氣湯風熱

頭疼石膏散荆芥散冬月大寒犯腦令人腦痛齒亦痛名曰厥逆

出奇病論中宜羌活附子湯頭痛胸中痛食減少咽嗑不利寒冷

脉左寸弦急宜麻黃與茱萸湯濕熱在頭而頭痛者必以苦吐之

輕者用透頂散搐鼻取涎新沐中風為首風頭面多汗惡風當先

風一日則病甚至其風日則少愈大川芎丸主之風氣循風府而

上則為腦風項背怯寒腦戶極冷神聖散主之凡治頭痛皆用芎

芷羌防等辛溫氣藥升散者由風木虛不能升散而土寡於畏得以

壅塞而痛故用此助肝木散其壅塞也若風盛疎散太過而痛服辛

散藥反甚者則宜用酸澀收而降之乃愈乳香薤落散之類是也上

頭痛耳鳴九竅不利腸胃之所生東垣以爲此氣虛頭痛也用
人參黃芪主之羅謙甫治栢泰謀六十一歲先患頭昏悶微痛醫
作傷寒解之汗出後痛轉加復汗解病轉加而頭愈痛每召醫用藥
雷同到今痛甚不得安卧惡風寒不喜飲食脉弦細而微氣短促癰
言語經曰春氣病在頭今年高氣弱清氣不能上升頭面故昏悶此
病本無表邪因發汗數四清陽之氣愈虧損不能上榮亦不能外固
所以病增甚宜升陽補氣頭痛自愈製順氣和中湯經曰陽氣者衛
外而爲固也誤汗之衛外之氣損故黃芪甘溫補衛實表爲君人參
甘溫補氣當歸辛溫補血芍藥味酸收衛氣爲臣白朮陳皮炙甘草
苦甘溫養衛氣生發陽氣上實皮毛腠理爲佐柴胡升麻苦辛引少
陽陽明之氣上升通百脉灌溉周身者也川芎蔓荊子細辛辛溫體
輕浮清利空竅爲使一服減半再服全愈血虛頭痛自魚尾眉尖
髮際日上攻頭痛當歸川芎主之當歸酒一升煮取六合飲

魚尾

髮際

日上

攻頭

痛當

歸川

芎主

之當

歸酒

至醇效。當歸川芎連翹熟地各二錢水煎去渣入龍腦薄荷末二錢乘沸泡之鼻吸其氣候溫即服服即安臥効。氣血俱虛頭痛者於調中益氣湯加川芎蔓荊子細辛其効如神。痰厥頭痛眼黑頭旋惡心煩亂半夏白朮天麻湯主之痰厥頭痛非半夏不能療眼黑頭旋風虛內作非天麻不能解天麻苗謂之定風草獨不爲風所搖以治內風之神藥內風者虛風是也黃芪甘溫瀉火補元氣實表虛止自汗人參甘溫調中補氣瀉火二朮甘溫除濕補中益氣澤瀉茯苓利小便導濕橘皮苦溫益氣調中而升陽炒麴消食蕩胃中滯氣麥芽寬中助胃氣乾薑辛熱以絛中寒黃蘗苦寒用酒洗以療冬月少火在泉而發躁也。東垣壯歲病頭痛每發時兩頰盡黃眩暈目不欲開嬾於言語身體沉重兀兀欲吐數日方過潔古老人曰此厥陰太陰合而爲病名曰風痰宜以局方玉壺丸治之可加雄黃白朮以治風濕更有水煮金花丸灸俠溪二穴各二十七壯不旬日愈。鼻

熱腹腫頭痛病在胃。經云陽明所謂客孫脉則頭痛鼻熱腹腫者陽
明并於土上者則其孫絡太陰也。故頭痛鼻熱腹腫也。動作頭重
痛熱氣潮者屬胃。丹溪云頭痛如破酒炒大黃半兩茶煎服。黃
全善云病在胃而頭痛者必下之方愈也。如孫兆以利膈藥下張學
士傷寒頭痛郭茂恂以黑龍丹下其嫂產後汚血頭痛皆下咽即安
是也。心煩頭痛病在膈中過在手巨陽少陰東垣清空膏之類治
之。頭痛頭痛病下虛上實過在足少陰巨陽甚則入腎許學士謂不
腎厥頭痛也其脉舉之則弦按之則堅用玉真丸治之戴復菴用正
元散或大三五七散入鹽煎服或於正元散內入炒椒十五粒下來
疼巔痛進黑錫丹有服諸藥不效其痛愈甚宜茸硃丹。素問曰頭
下實上虛過在足少陽厥陰事耳。巨陽甚則入腎狗蒙招尤目眩耳聾
痛上虛者肝虛也故肝虛則頭暈狗蒙者如以狗蒙也故腎虛則頭
頭痛

目眩耳聾皆暈之狀也故肝厥頭暈腎厥顛痛不同如此肝厥宜釣
藤散傷食頭痛胸膈痞塞噯酸噫敗卯臭畏食雖發熱而身不痛
宜治中湯加砂仁一錢或紅丸子傷酒頭痛惡心嘔吐出宿酒昏
昌眩暈宜葛花解酲湯怒氣傷肝及肝氣不順上衝於腦令人頭
痛宜沉香降氣散并蘇子降氣湯下養正丹上熱頭目赤腫而痛
胸膈煩悶不得安臥身半已下皆寒足胛尤甚大便微秘宜既濟解
毒湯外有臭毒頭痛一味喫炒香附愈頭痛連睛痛石膏鼠粘
子炒爲末茶清食前調下頭風搐鼻白芷散川芎散如金散瓜蒂
神效火筒散鬱金散
偏頭風頭半邊痛者是也丹溪云有痰者多右屬風荆芥薄荷
左屬血虛川芎當歸右屬痰蒼朮半夏右屬熱黃芩川芎散
細辛散蔓荎猪膽橘鼻中蔓麻子生薑大棗十五枚去
核石共搗令熟塗紙上用筋一隻撚之去筋納鼻中良久取下清涕

田須風

即耳 生蘿蔔汁仰臥注鼻中左痛注右右痛注左 一婦人患偏
頭痛一邊鼻塞不聞音鼻常流清涕時作鼻氣服徧治頭痛藥如芎
藭等皆不効後一醫人教服局方芎犀丸不十數服忽作嚏突出一
鉅稠膿其疾遂愈

雷頭風頭痛而起核塊者是也或云頭如雷之鳴也為風邪所客風
動則作聲也 夫治雷頭風諸藥不効者證與藥不相對也夫雷者
震也震仰盂故東垣製藥用荷葉者象震之形其色又青乃連類象
形當煎局方中升麻湯主之名曰清震湯 張子和用茶調散吐之
次用神芎丸下之然後服烏荊丸及愈風餅子之類寒者用涼膈散
消風散熱 頭上赤腫結核或如酸漿狀用排針出血則愈 亦有
因痰火者痰生熱熱生風故也痰火上升壅於氣道兼乎風化則自
然有聲輕如蟬鳴重如雷聲故名雷頭風也用半夏牙皂薑汁大黃
酒浸透濕紙包煨再白殭蠶連翹橘紅桔梗天麻各五錢片苓酒炒薄
浸再限三次二兩

荷葉銚白芷青礞石經草銚

一末之水浸蒸餅丸如菜豆大食後臨

臥茶吞二錢以痰利爲度然後用清痰降火煎藥調理

眞頭痛天內眞痛上引泥丸發旦死旦發夕死爲腦爲髓海眞氣之所聚卒不受邪受邪則死不可治古方云與黑錫丹灸百會猛進參沉烏附或可生然天柱折者亦難爲力矣

大頭痛頭腫大如斗是也是天行時疫病東垣監濟源稅時長夏

多疫癘初覺憎寒體重次傳面目腫盛目不能開上喘咽喉不利舌

乾口燥俗云大頭天行親戚不相訪問如染之多不救張縣丞亦患

此醫以承氣湯加藍根下之稍緩翼日其病如故下之又緩終莫能

愈漸至危篤東垣診視具說其由曰夫身半已上天之氣也身半已

下地之氣也此雖邪熱客於心肺之間上攻頭而爲腫盛以承氣下

之瀉胃中之實熱是誅罰無過殊不知適其病所爲故遂處方用黃

連黃芩味苦寒瀉心肺間熱以爲君橘紅玄參苦寒生甘草甘寒瀉

頭痛

火補氣以爲臣連翹鼠粘子薄荷葉苦辛平板藍根味甘寒烏犀朮
白殭蠶味苦平散腫消毒定喘以爲佐新升麻柴胡苦平行少陽陽
明二經不得伸桔梗味辛溫爲舟楫不合下行共爲細末用湯調時
時服之拌蜜爲丸噙化服盡良愈乃施其方全活甚衆各曹濟消毒
飲子海藏云大頭病者雖在身半已上熱伏於經以感天地四時
非節瘟疫之氣所着以成此疾至於潰裂膿出而又染他人所以謂
之疫癘也大抵足陽明邪熱不甚實資少陽相火爲之熾多在少陽
或在陽明甚則逆傳視其腫勢在何部分隨其經而取之溫熱爲腫
木盛爲痛此邪發於首多在兩耳前後所先見出者爲主爲根治之
宜早藥不宜速恐過其病所謂上熱未除中寒已作有傷人命矣此
疾是自外而之內者是爲血病况頭部分受邪見於無形之處至高
之分當先緩而後急先緩者謂邪氣在上着無形之部分既着無形
所傳無定若用重劑大瀉之則其邪不去反過其病矣雖用緩藥若

又急服之。或食前。或頓服。咸失緩體。則藥不能除病矣。當徐徐漬無形之邪。或藥性味形體據象服餌。皆須不離緩體。及寒藥或酒炒浸之類。皆是也。後急者。謂前緩劑已經高分。瀉邪氣入於中。是到陰部。染於有形質之所。若不速去。反損陰也。此却爲客邪。當急去之。是治客以急也。且治主當緩者。謂陽邪在上。陰邪在下。各爲本家病也。若急治之。不惟不能解其紛。而反致其亂矣。此所以治主當緩也。治客當急者。謂陽分受陽邪。陰分受陰邪。主也。陰分受陽邪。陽分受陰邪。客也。凡所謂客者。當急去之。此治客以急也。假令少陽陽明之爲病。少陽爲邪者。出於耳前後也。陽明者。首面大腫也。先以黃芩黃連甘草通炒過剉煎。少少不住服。呷之。或服畢再用大黃。或酒浸。或煨。又以鼠粘子新瓦上炒香。咬咀煎去渣。內芒硝各等分。亦細細呷之。當食後用。徐得微利。及邪氣已。只服前藥。如不已。再服後藥。依前次第用之。取大便利邪已。卽止。如陽明渴者。加石膏。少陽渴者。加瓜瓞。

眉稜骨

根湯陽明行經加升麻葛根芍藥之類太陽行經加羌活防風荆芥
之類選而加之並與上藥均合不可獨用散也黑白散甘桔湯
加鼠粘子連翹大黃玄明粉白僵蠶荆芥僵蠶一兩錦紋大黃二
兩薑汁丸彈子大新汲泉水和生蜜調服外用井底泥調大黃末
醋末敷之

眉稜骨痛眉骨者目系之所過上抵於腦爲目屬於腦也若諸陽經
或挾外邪鬱成風熱毒上攻於頭腦下注於目睛遂從目系過眉骨
相併而痛若心肝壅熱上攻目睛而痛則亦目系與眉骨牽連併痛
若胸膈風痰上攻者亦然若太陰之勝濕氣內鬱寒迫下焦痛留項
互引眉間其痛有酸者有抽掣者有重者有昏悶者便可審是孰氣
之勝也東垣選奇湯治眉骨痛不可忍神效丹溪云屬風熱與
痰治類頭風風熱者宜祛風清上散因痰者二陳湯加酒黃芩白芷
防風寒者羌烏散戴云眼眶痛有二證皆屬肝有肝虛而痛纔